

## Pablo Filemón Kirika Kenexõ Fomani

### *Pablo Filemón yoisharani*

<sup>1-2</sup> Ëkĭa Pablo. Na karaxa mēraxõ ã mia kirika kenexõ fomai. Na nõko ex̃to Timoteo feta nõ mia kirika kenexõ fomai. Ë Jesucristoõnoa ato yoiaito, ea nikakaspakakĭ ea achikaxõ karaxa mēra ea ikimatifo. Nāskakē ã mia yoi, Filemón, mĭfi noko keskarakĭ Niosnoa ato yoimis. Nāskakē nõ mia noikõi. Nõ mia kirika kenexõ fomai, mia yafi a mefeta Jesús Ifofaafo a mĭ pexe anoax ichanāmisfori nõ mato kirika kenexõ fomai. Akka Apia nõko poi keskara, nāskakē Arquipo yafi nõ ato kirika kenexõ fomai. Akka nā Arquipo noko keskarari nāatori ato Niospa meka yoimis. <sup>3</sup> Niospa mato noikĭ mātõ shinā mēra mato shināmashara mā fekaxtenõma. Epa Nios feta nõko Ifo Jesucristo mato askafanõ.

### *Filemón Jesús Ifofaxõ yorafo noipaoni*

<sup>4-5</sup> Mē mia nika mĭ nõko Ifo Jesús noikõiaito, askatari mĭ chanĭmara fakõinaito, askatari a Jesús Ifofaafori mĭ ato noisharakõia keyokõi. Mĭ askaito nikakĭ ã mia nirixõ kĭfixõfafāini iskafakĭ: “Aicho Epa Niosi, na Filemón mia Ifofasharakõia,” ixõ ã mia Epa Nios kĭfixomis. <sup>6</sup> Askatari mĭ Epa Nios Ifofasharakõiyānā mĭ ato afara axosharakõimis ato tãpimasharakõiyānā. Nāskakē ã Epa Nios mia kĭfixomis mĭ tãpisharakõinõ nā Cristo Jesús nõ Ifofaito noko inimamamis keskafakĭ. <sup>7</sup> Ë mikiki ini-masharakõi mĭ ato noisharakõiaito nikai. Nāskakē

ẽ mikiki inimai, efe yorashta, a Nios Ifofaa fetsafo mĩ ato noikĩ mĩ ato inimamasharakõiano.

*Pablo Filemón iskafani: “Mĩ yonomati Onĩsimõ eõxõ sharafafe,” ixõ yoini*

<sup>8</sup> Cristo ea ifini ẽ ãfe meka yoimis inõ. Nãskakẽ fãsi mekainĩkafã ẽ mia yoifitiroxakĩ, akka ẽ mia askafapaima mĩmã fetsafo ato noiyanã mĩ ato inimamasharakõiano. <sup>9</sup> Ẽ mia askafatamaroko ẽ mia noikõiyana ẽ mia yoipai. Ẽkĩa Pablo mẽ anifokõia ẽ Cristo meka ato yoiaito ea nikakaspakakĩ karaxa mẽra ea ikimatifo. <sup>10</sup> Nãskakẽ Onĩsimõõnoa ẽ mia yoisharapai. Na Onĩsimõfi efe fake keskaraki. Nono karaxa mẽraxõ ẽ Onĩsimõ Jesús chanĩmara famati. Nãskakẽ Onĩsimõ efe fake keskara.

<sup>11</sup> Akka taeyoi Onĩsimõ mia yonoxosharapaonima. Mã askayopaofinixakĩ, iskaratĩa mĩo noikĩ mia axosharatiro, nã ea axõai keskafakĩ. <sup>12</sup> Ẽ mia anã Onĩsimõ nĩchixononi ẽ aõ noikõifikĩ. <sup>13</sup> Epa Niospa meka shara ẽ yoiaito ea karaxa mẽra ikimanifono, oa nono efe ixõ mĩ ea kexesharamis itikixõ na Onĩsimõ ea kexenõ ẽ fichipaikerana. <sup>14</sup> Akka ẽ mia yõkaxoma nonoxõ ea kexenõ, ẽ nẽtefapaima. Nãskakẽ, “Na ea Onĩsimõ anã nĩchixõfe,” ẽ mia faima. Nãskakẽ na Onĩsimõ mĩ efeta yonoma-paikĩ ea kexenõ mĩ yoitiro. <sup>15</sup> Ẽitsai, Niospa anori fichipaiyaino askayameaki nãskax anã mĩ yonomati keskara ikima Nios chanĩmara faax. Mĩ yonomatifax mikiki onekeratikiki afetĩama. Anã iskaratĩa mia ano kaax, chaka ikima mefe rafe-sharakõi kiki. Anã mikikinoax faki kanakama. <sup>16</sup> Anã mĩ yonomati keskarama. Iskaratĩa mã Jesús Ifofaa. Nãskax oa mefe nanea keskara mã Jesús Ifofaax. Nãskai ẽ aõ noiai keskafakĩ, mĩ

aõ noifinakoitiro. Iskaratĩa anã oa mĩ yonomati keskarama. Mã isharakõia oa mĩ exto keskara, anã oa yora fetsa keskarama.

<sup>17</sup> Nãskakẽ mĩ oa efe nanea keskaraxõ mĩ efeta Jesús Ifofai, ẽ mikiki nokoaino mĩ ekeki inimayanã mĩ ea ifitiro keskafakĩ, na Onĩsimõki inimayanã ifisharakõife. <sup>18</sup> Akka mia chakafaferatimãkĩ, askayamãkĩ mia nimiferatimãkĩ ea yoife ẽ mia kopifanõ. <sup>19</sup> Nãnori ẽ mia yoi mia kirika kenexõ fomayanã. A Onĩsimõ mia nimia ẽ mia kopifanõ ea chanĩmara fafe. Efe yorashta, mĩ ea nimia shinãfe. Mĩ ea kori nimiyamafekẽ ẽ mia Jesús meka yoiyamano mĩ Jesús Ifofakeranama afe nĩpaxakĩ. <sup>20</sup> Efe yorashta, ẽ mia yoi nõko Ifoõxõ ea Onĩsimõ shara faxõfe. Ẽfe õiti inimamasharakõife.

<sup>21</sup> Mẽ tãpia a ẽ mia yoiai anori mĩ ea nikasharakõi. Askatari a ẽ mia kirika kenexona õikĩ a finõmainĩfofã mĩ ea axosharai. <sup>22</sup> Ẽ mia anã fetsari yoi. Mĩ ea Epa Nios kifixotitaifanõ. Mĩ askafaino ea karaxa mẽranoa kãimanafono ẽ mikiki samama nokotiro. Nãskakẽ ea mĩ pexe kene ano mĩ ea itipinĩ faxotiro, Niospa ea kãimanano ẽ ano oxaxinõ.

*Mã Pablo mekai xatekĩ ato meka shara fomani*

<sup>23</sup> Na Ipafras Cristo Jesúsnoa yoimis a yafi ea karaxa mẽra ikimatifo, aatori mia yoisharai. <sup>24</sup> A efeta Jesucristo yoimis, fetsafori Marcos ikaino, Aristaroco ikaino, Demãs ikaino, Lucas ikaino, nã tiito mia yoisharakõikani mikiki inimakãkĩ.

<sup>25</sup> Nõko Ifo Jesucristo mato noikĩ mato kexesharakõipainõra. Nã tii ẽ mato yoi.

*Ẽkĩa Pablo.*

**Niospa meka fena Jesucristo<sup>noa</sup>**  
**New Testament in Yaminahua (PE:yaa:Yaminahua)**

copyright © 2008 Wycliffe Bible Translators, Inc.

Language: Yaminahua

Translation by: Wycliffe Bible Translators, Inc.

Yaminahua [yaa], Peru

**Copyright Information**

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Yaminahua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-11-16

---

PDF generated using Haiola and XeLaTeX on 11 Nov 2022 from source files  
dated 29 Jan 2022

6c7b7ce2-9d87-5405-91e6-71ce1387adcc